

485

DEO OPTIMO MAX.

UNI ET TRINO,

VIRGINI DEI-PARÆ, ET S. LUÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

manè discutienda in Scholis Medicorum, die Martis decimo
mensis Junii, anno M. DCC. XLIX.


M. JACOBO-FRANCISCO LE CHAT DE LA SOURDIÈRE,
Doctore Medico, Præsidente.

An infirmis à morbo viribus reparandis Pisces?

I,



ODEM quo vivimus motu destruimur. Præcipites ruemus ad interitum, nisi jugi cordis impulsu attritæ vires succo alibili instaurarentur. Hinc usus animantium vegetantiumque reparandæ tuendæque sanitati necessarius: ita ut quæ nostris subjecit impetis corpora summum rerum Opifex, illud sic in nos dominium exerceant, ut sine ipsorum ope aut sanitas illibata, aut vita ipsamet inconcussa servari nequeat. Dulce quidem jugum, & quod faciliè ferant homines, præ multiplici alimentorum varietate, & nativâ quâdam, quæ nos allicit blanditiæ. Hinc sæpè in ambiguo est, an ad assumenda alimenta cogat imperiosa necessitas, an potius invitet, & alliciat voluptas illecebrosa. Quamvis sit cuique cibo sint delicia, non tamen ingluviei famuletur benigna hæc de quâ loquimur multiplicitas. Alimenta licet diversa, quæcumque sint, solida, aut liquida, crassa, tenuia præviâ indigent elaboratione, ut ex variâ heterogeneâque eorum massâ constans & homogeneous chylus exurgat. Lac ipsum chylo maximè analogum iisdem subiacet legibus, & ut pariat chylum, cum succis in stomachum & intestina consuis coeat necesse est. Nec mirum quod à nutrimento multiplici idem liquor consuetur; omnia quibus vivimus vegetabilia sunt, succi etiam animales sunt succi vegetabiles, qui alterâ quasi (a) *metamorphosin* in alterius animalis naturam transmutantur. Huic peragendæ transformationi ideo potissimum tot & tantæ concurrunt potentie, ut si deglutita vim unius effugiant, alterius actionem experiantur. Hinc primum in ore triplici subiguntur dentium serie, & salivâ undique conflente imbuuntur. Inchoata sic dissolutio in ventriculo ulteriùs elaboratur, in duodeno demùm perficienda. Frustrâ tamen tot organa æquis ferè agent viribus, frustrâ in eundem effectum conspirant, nisi propulsus ille chylus in massam sanguinis, repetitâ pulmonum, cordis, & arteriarum actione comprimere, elaboraretur, separaretur, quod ros nutritius posset usque in abditissimos canalium recessus incuneare! Hinc superatâ venâ axillari pulmonem subit in quo regitur pro modulo motuque respirationis: maximam minimamve ob pressionem quam experitur, alternè subigitur & restituitur. Indè mox irruens quaterno agmine in sinistram cordis ventriculorum, ex uno torculari in alterum committitur, ut certius in succum naturæ homogœnum nostræ compingatur. Nec satis est hunc toties fractum, divisum, & subactum fuisse, crassioris quid tamen & pristinæ servat indolis, quod infarctis variis canalibus nutritio minùs prosperè succederet. Hinc deglutita, licet per longos & tortuosos intestinorum anfractus à crassiori materiâ expurgata, & nonnisi summâ naturæ anxietate intrâ humores admissa, feces tamen adhuc intrâ sanguinis alveum devehunt, corpori humano insensibilissimas. His rejiciendis sordibus, millena patent ora spiraculorum cutis, quæ ferosum,



(a) Haller.
inst. Med.
T. 1, p. 329.
§. LXXXVII.

A

& falsum humorem continuis essant exhalationibus. Hinc etiam renes in utroque latere possit, veluti sentinae duae, à liquido crassiori corpore pariter expurgant universum. His auxiliis, & hac triplici coctione, masticata digeruntur, digesta praeeparantur, praeeparataque defaecantur, ut in nostram utilius facilius substantiant.

I I.

TRIPLICI huic coctioni favent, aut efficiunt, variata digerentis actio & ciborum delectus multiplex. Alimenta inter & vires concoctrices maxima addit, & debet adesse, necessitudo. Illa enim, viribus invitis, non assimilantur; vicissim alimentis crassis, & tenacibus, vires victa prorsus deficiunt. Valemus ex cibo, ex cibo aegroti jaceamus. Multiformis alimentorum series ex animalibus vegetabilibusque depromitur. Fert tantum auxilium regnum minerale condisendis cibis, hisque vim & energiam conciliandis. Inter vegetantia eminent fruges, olera, fructus, quae quidem adeo variantur praeeparatione & condimentis, ut alienam carnium naturam mentiri videantur. Fatendum tamen est, animalium carnes, suaviores escas & salubriores suppeditare, uberiorque cedere in nutrimentum, quam alimenta excerpta ex fecundissimo vegetantium penu. Quorsum animantia tempore, loco, victu inter se discrepant? Cui cresceret granivororum minimorum ingens illa multitudo, si nobis vegetantia sufficerent? Quis jussit singula, singulo elemento separari? ab aliis terram incoli, alia mole conspicua tenuissimo aere suspendi, & quorundam imperium, quorum numerus prope infinitus est, aquis terminari? Haec sane non alium in finem instituta sunt, quam ut variatis usibus nostris possint accommodari. Quaedam sunt texturae tennis, & dicantur imbecillioribus, in quibus vis vasorum systaltica & fluidorum actio deficiunt. Altera vero crassa nonnisi robustis committuntur: quibus valide separari & dissolvi quam facillime possunt. Ut animantia separatis vivunt locis, sic & succis gaudent dissimilibus. Alia enim sunt granivora, alia plantivora dicta, quae alimentis vescuntur vegetabilibus, ut pulli, boves, oves, quorum succi nimium laboris ex ventriculo expetunt, ob minimam, quam passi fuerunt, praeeparationem. Aliorum autem carnes, quae succis longam viscerum actione elaboratis vivunt, qualia sunt ea, quae depascuntur plantivora, non difficile assimilantur. Non aequè citò restaurant, ac carnes eorum quae sibi mutuo in praedam exponuntur; ut pisces, quorum inferiores à fortioribus (a) devorantur; quorum tanta est barbaries, ut infantulos vix in lucem editos matres depascantur, tantaeque voracitas, ut (b) prius deglutita digerantur, quam residua in ventriculum detrudantur. Ex iis tamen, quae animalium carnes amant, alia aliis anteponenda. Plurimorum fibrae rigidores facta primam alimentorum coctionem longius exposculant; ut plura avium genera, quae digerentibus potentius magis resistunt, sed digesta citissime restaurant. Plurima vero, ut pisces, fibris constant facile dissolubilibus, quibus primae coctioni, & succo assimilato, quo ceteris in toto vasorum systemate duabus coctionibus egregie subministrant. Tot sane alimenta mera essent gulae irritamenta, si aqua omnibus concessa fuisset concoquendi potestas. Sed sua cuique inest actio digerenti. Quot homines, tot coctiones diversae. Variè reguntur rustici, variè urbani; fortes aliter, aliter debiles. Quod juvenutis turamen est, pestis est senectutis. Illud à convalescentibus cane pejus & angue fugiendum, quo sani vivunt incolames. Juvenibus robustis, fortibus, & rusticis, qui valido habitu, validam gaudent viscerum vasorumque actione, alimenta profunt crassa, farinacea, & plantivora. Senes vero & debiles, in quibus languent vires, absque energia, aliis cibis jam assimilatis & eupeptioribus restauranti. Sed nullis, quam convalescentibus, plus confert delectus alimentorum. Fractis longo medicamentorum usu & diartae eorum viribus, fibris ventriculi & glandularum relaxatis, succi impares sunt digestioni sciendae: dissipati spiritus nequeunt per fibras & cerebro emissas irradiari, quod debitam partibus tensionem communicent.

I I I.

IS omnibus rite peragendis nullos assignaveris cibos aptiores, quam eos, qui è multiplici piscium specie depromuntur. Quemadmodum enim praestant ad vires citò revocandas vegetantibus animantia, & pisces ceteris animantibus, sic ex iis alia aliis insigni eminent efficacia itat: Ut cuique obvium sit salubriores eligere, noxios fugere, triplici sub classe omnes pisces comprehendemus. Alii fluviales, alii palustres, alii vero marini nominantur. Qui viram degunt in paludibus, consentiente Authorum (a) iudicio, cum limosis inertibusque aquis viciant, admodum sunt graves & excrementis redundant terreis, quibus chylus crassus elicitur. Nec mirum, aerem spirant pestiferis faecem va-

(a) Aristot. de Anim. lib. 9. p. 208.
It. Rondel. de Piscib. p. 8. Cap. VI.
(b) Haller. lib. Cit. act. Vent. in Ing

(a) Galien. de succ. Nov. pag. 27.
It. N. venet. de hyog. p. 46.

poribus, nullam, aut ferè nullam exercent natationem, cœnosum fœculentumque nutrimentum pascuntur. Hinc ventriculorum gravant, & succi sunt deteriores. Fluviales mediæ sunt qualitatis inter marinos, quibus cedunt, & inter palustres, quibus longè sunt salubriores. Ad quos Barbus, Lucius, Trotta, Perca, Salmo referuntur: omnes etiam, qui in fluviiis aluntur, non ejusdem sunt indolis & ejusdem virtutis. Præstantiores sunt, qui in rapidis fluviiis aguntur: ii enim assiduus succussu undarum verberibus corpus exercent, aquâ fruuntur purâ, limpida, præterfluente. Eorum succi magis elaborati cedunt coctioni vel levisimæ; qui verò pisces in segnis & tardis fluviiis vivunt, mali habentur succi, ut Carpio, Gobio, Capito, Anguilla fluvialis, qui limum redolent & excrementum. Cæteri, qui in rapidis fluviiis vagantur, ita sunt salubris indolis & innoxie, ut cum marinis qualitate dimicare ferè videantur. Nullus est tamen dubitandi locus, quin universi pisces marinis cedant salubritate. Ite enim, & reditu maris perpetuo jactati, succi eorum humidiores subiguntur, attenuantur, optimamque indolem adipiscuntur. Marini pisces quicumque triplicem locum, & nomen triplex sibi vindicant. Alii littorales, alii saxatiles, alii pelagici dicuntur. Illi reperiuntur in Oceano, hi in mari mediterraneo, plurimi utroque delectantur. His omnibus præstant saxatiles; inter aspera saxa, loca devia, rupes, victum quarunt. Ex horum numero Searus, Merula, Turdus extrahuntur. Hos sequuntur pelagici, qui profundum mare habitant, qui procelloso aquilonis succussu roborantur, ut Lupus, Mugil, Rhombus. Inter marinos ultimum locum obtinent littorales, qui in terreno & cœnoso loco nutriuntur. Ejusmodi sunt Aurata, Scomber, Draco marinus, quos *αλαρίδες* vocat Hippocrates. Quisquis fractam à morbo sanitatem recuperare cupit, ab hæc non deficiat vivendi methodo, pisces pro cibo feligat recensitos: is non modò citò valebit à morbo, sed futuros morborum eventus tutò præcavebit.

I V.

UT in morbis superandis medicamentum, sic alimentum in tuenda sanitate. Imperfectum sanè est natura opus, si, dum tot sanis ac robustis crescunt alimenta, suum quoque imbecillibus deficeret. At ipsis natura passim obvios pisces profudit, cosque salubres, & multiplices efficit, ut, datâ occasione ad eos, citò ac tutò confugere possimus. Ovorum, quæ deponuntur numerus, testis est multiplicitas. Quod autem salutaris sint alimonie, suadet ratio, suadent experimenta. Enimverò ut pisces cæteris animantibus cedunt ægritudinibus, vicissim eadem longè superant salubritate. Vidimus enim, singula quæque animantia morbosus subijci affectibus, dum pisces ferè vivunt absque sanitatis detrimento. Non sunt grandini obnoxii sicut porci, aut lepores, neque scabie infestantur, quod ovillo accidit pecori, neque capræ ad instar febre corripiuntur. Re enim vetâ vivunt alimento eupepto, assimilato, undè vitam protrahunt ad spatia tam longa, ut plurimi sint visi (a), qui annos ducentos transcenderant. Frustrâ ex eorum salubritate aliquid argumenti deduceres, si intertè convalescentibus nocerent. Sed multa sunt, quæ ipsum usum suadeant, & quæ ex ipso esu vires promittant. A morbo restituti indigemus sanguine mediæ consistentiæ, copiosiori spiritu secernione, vasorum majori tentione, & alimentis coctionis facillimæ, quibus abundè provisum est creatis aquatilibus. Pisces enim licet torpentibus effæctisque succis exponantur, cum texture sint mollis & laxæ, citiùs cedunt viribus agentibus, promptiùs in pulmentum collescent (b), & in mucum resolvuntur. Levi motu externo agente, franguntur in fibrilla frustula, quibus facilis eorum dissolutio evincitur: sic & eandem probat corporis accretio, quæ (c) celerrimè absolviitur. Tanta in eis fibrarum mollities! Nativa eorumdem animalium humiditas novum nilitatis subministrat argumentum. Longo enim morborum tractu deficiet sanguis, indolis esset lentioris, si non resciretur blando quodam rore, quo præteritum, fluiditatem inter & spissitudinem, recuperare posset æquilubrium. Quod egregiè peragitur piscibus (d) abundè suppediat portunculis aquosis, quibus separantur molecule sanguinis, à contactu mutuo præpediuntur, quò in vasis rotari & provolvi faciliùs possint. Aliunde ex Chinâ evictum habemus, corpore mucido animalia nutrire, & quò plus est in corporibus mucoris, eò copiosior fieri nutritionem. Jam probavimus, pisces omnes ferè omnino in mucum solvi: hinc mirum in modum nutriunt: hinc post morbum exhaustæ vires, penitèrque dissipati spiritus, feliciùs citiùsque reparantur. Ex hæc promptissimâ nutritione non minor exurgit utilitas. Nam depicta priùs vasa replentur, atona elastica fiunt, relaxata tenduntur. Hinc contrahuntur ossa glandularum nimis partefacta, & hiantia nimis oscula ductum fecerunt. Hinc majori vi pelluntur humores, subiguntur, attenuantur, & reserunt fibra-

(a) Aristot. lib. 8. p. 201. It. Gout. ceter. Hygl. p. 376.

(b) Haller. Aq. Vent. in Ings. (c) Rödel. lib. VIII. p. 279.

(d) Plin. lib. 9. c. 11. de Hist. Animal. (d) Galen. de Alim. Fac. lib. 2. p. 30.

rum debita tensione, functionum restituitur ordo integerrimus. Sententiæ nostræ favet & suffragatur Piscium viduus: ex quo inferre pronum est, eosdem partibus carere excrementitiis, & spiritibus scatere uberrimis. Ast parvi faciendæ foret ratio, nâ constans suffragaretur experimentum. Piscium esum censuit optimum Plutarchus (e) hosque facile digerî & concoqui existimavit. Hanc opinionem propugnâvit Galenus (f), dicendo, otiosus, senibus, imbecillis, imò ægrotis alimentum à piscibus suppeditari commodissimum, tutissimum. In hanc etiam descendunt Simeon Sethi, lib. de alimentorum facult. & (g) Oribasius, quibus celebres Medici assentiuntur (h); qui quidem omnes pisces conferre hominibus non robustis, & à morbo convalescentibus, arbitrari sunt. Cur huic altitruendæ opinioni plurimorum suffragia recolligam, cum Galenus, lib. de Alim. facult. & Medicorum princeps Hippocrates in morbis mulierum, in inernis affectionibus, ægrotantes piscibus alere non dubitaverint? Quod autem cuncti ex Medici præscripto fecerunt, illud absque eorum iussu non una gens experta fuit. Plurimi enim sunt Afæ populi (i), qui sani vel ægrotantes piscibus vescuntur, & qui aut saluberrimâ vitâ fruuntur, aut morbis afflicti citò curantur. Nunc ratione multiplici, experimento securo, constanti, observatione factâ exploratum habemus, ut caro bovillâ confert robustis, ita pisces, imbecillis esse idoneos.

V.

ASSIGNATO hominibus à morbo recreatis certo alimentorum genere, piscium species debent assignari. His non sunt omnis speciei pisces indiscriminatim offerendi. Qui oleo turgent multo, quales Anguilla, Mustela marina, Salmo fluviatilis, alii. que huius generis, à mensâ convalescentium prorsus ejiciendi. Illi etiam, qui ultimus temporibus recreationis ab ægitudine prodesse, primis nocent. Eos primò mensæ apponi jubeas, quorum ferè nulla est fibrarum cohesio: qui vix deglutiti in succum levem dissolunt, qualis est Callarias: secundò Perca, lota ventriculæ recreant: tertio Lucioli famem depellat. Quartam tantummodo mensam decoret Guttata Truta, ut tandem assuetò per cibos validiores concoqueret ventriculo carnem pulli minoris elixi ingeri sinas. Vix tamen ex eo ciborum delectu aliquid perciperet emolumenti recreatus à morbo, si arte coquinariâ præscripti pisces naturam suam exuerent, induerentque alienam humano generi noxiam. Hæc enim arte teterimâ sepe melioris succi adulterantur cibi, & genuinâ suâ indole defraudati, minùs attentos in summos errores deduxere. Sic ex assumptis piscibus deuri fauces, molestamque sitis sensationem percipi retulit Rhafis (a). Duplex est piscium parandorum modus. Simplex unus, simplicior alter: vel aquâ, paucò sale marino, herbisquæ quibusdam aromaticis condita coquantur, vel frigi mensæ apponantur; post hanc vel illam coctionem, detrahatur cutis, ne debilem offendat ventriculum. Cave, cum Cornelio Celsò (b), mollem, friabilemque piscium texturam arguas, eosque idcò faciliùs putrescere autumes, quòd minùs eorum sibi mutuo fibræ cohercant. Ut dissolvantur alimenta, putrescant necesse. Putrefactio quæ fit in ventriculo citior, quæ in intestinis peragitur. Quò firmior alimentorum cohesio, eò dissociatio tardior, longior in ventriculo mora, laboriosior digestio, ibi putrefactio certior. Unde ructus illi nidore ad oves incubatos accedentes. Non firmiore stant talo illius Angli (c) verba, qui pisces minùs faciliè humoribus nostris assimilari censet quàm terræ incolæ: sententiamque suam malè stabilitam funditus evertit ratiocinando. Censet enim illud fieri ex eò quòd pisces nutrantur piscibus: quasi verò quò plus alimenta præparationis subirent, eò difficiliùs concoquerentur. Nonne arguunt eorundem innoxiam indolem millenæ, quas subeunt variis in piscium ventriculis agitationes, quæ sunt totidem veluti filtra, per quæ transunt, ut defæcerent citiùsque restarent? Cum ad probandam opinionem nostram mutuas sibi vires conferant experimentum & ratio, cogit nos necessitas, hanc ex præmissis eruere conclusionem:

Ergò infirmis à morbo viribus reparandis Pisces,

Proponebat Parisiis, CAROLUS-AUGUSTINUS VANDERMONDE;
Macæacus apud Sinas, Saluberrimæ Facultatis Medicinæ Parisiensis Baccalaureus,
A. R. S. H. 1749, à sextâ ad meridiem.

(e) Sympos.
IV. Quæst.
IV.

(f) Loc. Cit.
lib. 3. cap.
XXIX.

(g) Synops.
lib. 4. cap.
XIII.

(h) Sennert.
in Convul.
Diet. T. II.
pag. 107.

(i) Petr. Bel.
lou. lib. 1.
observ.

(a) Lib. 3.
ad Alman.
cap. XVI.

(b) Lib. 2.
cap. XXI.

(c) Cheyne.
Regl. S. la
Sant. p. 17.